

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-7-2170/16
Sarajevo, 5.12.2016. godine

Z A P I S N I K
9. VANREDNE SJEDNICE DOMA NARODA PARLAMENTA
FEDERACIJE BOSNE I HERCEGOVINE, održane 2. decembra 2016.
godine

Sjednica je počela u 14:17.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila prisutne delegate, predstavnike medija, predstavnike međunarodnih organizacija, predsjednika Vlade Federacije, potpredsjednicu Vlade Federacije i ministre.

Na osnovu evidencije Stručne službe, predsjedavajuća je konstatala da sjednici prisustvuje 49 delegata, što čini većinu te Dom naroda može raditi i punovažno odlučivati.

Potom je predsjedavajuća pitala da li ima prijedloga za izmjene i dopune dnevnog reda.

Slađan Ilić je predložio da se u dnevni red uvrsti Prijedlog zakona o izmjenama Zakona o naplati i djelimičnom otpisu dugovanja sportskim kolektivima - skraćeni postupak, što su delegati Doma naroda sa 42 glasa za, dva glasa protiv i jednim uzdržanim, prihvatili.

Predsjedavajuća je podsjetila delegate da je Vlada Federacije dostavila Prijedlog odluke o izmjenama i dopunama Budžeta Federacije Bosne i Hercegovine za 2016. godinu i Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2016. godinu s prijedlogom da se razmatraju po hitnom postupku.

Na osnovu člana 188. Poslovnika o radu Doma naroda, predsjedavajuća je stavila na glasanje da se prijedlozi ovih zakona razmatraju po hitnom postupku.

Na osnovu rezultata glasanja predsjedavajuća je konstatala da je Dom naroda Parlamenta Federacije Bosne i Hercegovine sa 37 glasova za, osam glasova protiv i tri uzdržana glasa prihvatio da se Prijedlog odluke o izmjenama i dopunama Budžeta Federacije Bosne i Hercegovine za 2016. godinu razmatra po hitnom postupku.

Na osnovu rezultata glasanja predsjedavajuća je konstatala da je Dom naroda Parlamenta Federacije Bosne i Hercegovine sa 39 glasova za,

šest glasova protiv i šest uzdržanih glasova, prihvatio da se Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2016. godinu razmatra po hitnom postupku.

Nakon toga predsjedavajuća je stavila na glasanje i, na osnovu rezultata glasanja, konstatirala da je Dom naroda Parlamenta Federacije Bosne i Hercegovine, sa 45 glasova za, jednim glasom protiv i pet uzdržanih glasova, usvojio sljedeći:

DNEVNI RED:

1. Prijedlog odluke o izmjenama i dopunama Budžeta Federacije Bosne i Hercegovine za 2016. godinu - hitni postupak,
2. Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2016. godinu – hitni postupak,
3. Prijedlog zakona o izmjenama Zakona o naplati i djelimičnom otpisu dugovanja sportskim kolektivima (predlagač: Slađan Ilić, delegat u Domu naroda Parlamenta Federacije BiH) - skraćeni postupak.

Po usvajanju dnevnog reda započela je rasprava u kojoj su učestvovali: Edin Forto, potpredsjedavajući Doma naroda, Jasenko Tufekčić, predsjednik Kluba delegata hrvatskog naroda u Domu naroda, Tomislav Martinović i predsjedavajuća Doma naroda, Lidija Bradara.

Prije početka rasprave po dnevnom redu Osman Ćatić, predsjednik Kluba delegata bošnjačkog naroda čestitao je delegatu Amoru Mašoviću na nagradi za mir.

1. Prijedlog odluke o izmjenama i dopunama Budžeta Federacije Bosne i Hercegovine za 2016. godinu - hitni postupak

Prijedlog Odluke utvrdila je Vlada Federacije.

Predstavnički dom Parlamenta Federacije Bosne i Hercegovine obavijestio je Dom naroda Parlamenta Federacije Bosne i Hercegovine, da je na 16. vanrednoj sjednici, održanoj 29. novembra 2016. godine, donio Odluke o izmjenama i dopunama Budžeta Federacije Bosne i Hercegovine za 2016. godinu.

Prijedlog Odluke razmatralo je nadležno radno tijelo i dostavilo svoj izvještaj.

Prijedlog odluke o izmjenama i dopunama Budžeta Federacije Bosne i Hercegovine za 2016. godinu obrazložila je zamjenica premijera Federacije BiH, federalna ministrica finansija, Jelka Milićević.

U raspravi su učestvovali: Predrag Kojović, Tomislav Martinović, Željko Mirković, Aner Žuljević, Jasenko Tufekčić, Muhamed Kozadra, Mirvet Beganović, Admir Hadžipašić, Jelka Milićević i Draženka Subašić.

Na Prijedlog odluke o izmjenama i dopunama Budžeta Federacije Bosne i Hercegovine za 2016. godinu Admir Hažipašić je podnio Amandman.

Nakon rasprave predsjedavajuća je stavila na glasanje Prijedlog odluke o izmjenama i dopunama Budžeta Federacije Bosne i Hercegovine za 2016. godinu. S obzirom da je izražena sumnja u rezultate glasanja, sekretar Doma naroda Izmir Hadživić, na osnovu člana 113. Poslovnika o radu Doma naroda, izvršio je poimenično glasanje.

Na osnovu rezultata poimeničnog izjašnjavanja, predsjedavajuća Doma naroda je konstatirala da je Dom naroda Parlamenta Federacije Bosne i Hercegovine sa 37 glasova za, osam uzdržanih glasova i devet glasova protiv, donio Odluku o izmjenama i dopunama Budžeta Federacije Bosne i Hercegovine za 2016. godinu.

2. Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2016. godinu - hitni postupak

Prijedlog Zakona utvrdila je Vlada Federacije.

Predstavnički dom Parlamenta Federacije Bosne i Hercegovine obavijestio je Dom naroda Parlamenta Federacije Bosne i Hercegovine, da je na 16. vanrednoj sjednici održanoj 29. novembra 2016. godine usvojio Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2016. godinu u tekstu kako ga je predložila Vlada Federacije.

Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2016. godinu razmatralo je nadležno radno tijelo i dostavilo svoj izvještaj.

Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2016. godinu obrazložila je zamjenica premijera Federacije BiH, federalna ministrica finansija, Jelka Milićević prilikom obrazlaganja Prijedloga odluke o izmjenama i dopunama Budžeta Federacije Bosne i Hercegovine za 2016. godinu.

U raspravi nije niko učestvovao.

Na osnovu rezultata glasanja, predsjedavajuća Doma naroda je konstatirala da je Dom naroda Parlamenta Federacije Bosne i Hercegovine sa 34 glasa za, 11 uzdržanih glasova i pet glasova protiv, usvojio Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2016. godinu.

3. Prijedlog zakona o izmjenama Zakona o naplati i djelimičnom otpisu dugovanja sportskim kolektivima (predlagač: Slađan Ilić, delegat u Domu naroda Parlamenta Federacije BiH) - skraćeni postupak

Prijedlog zakona o izmjenama Zakona o naplati i djelimičnom otpisu dugovanja sportskim kolektivima je predložio i u parlamentarnu proceduru dostavio Slađan Ilić, delegat u Domu naroda.

Prijedlog Zakona razmatrala su i nadležna radna tijela Doma naroda i dostavila svoje izvještaje.

Prijedlog zakona je obrazložio Slađan Ilić, koji je tom prilikom podnio i Amandman, a koji glasi:

"U članu 1. Prijedloga zakona riječi: "30.4.2016. godine zamjenjuju se riječima: "31.12.2016.".

Predsjedavajuća je obavijestila delegate da je Prijedlog zakona o izmjenama Zakona o naplati i djelimičnom otpisu dugovanja sportskim kolektivima dostavljen Vladi Federacije radi davanja mišljenja. Vlada Federacije dostavila je mišljenje kojim podržava donošenje ovog zakona.

Nije bilo rasprave.

Na osnovu rezultata glasanja, predsjedavajuća Doma naroda je konstatirala da je Dom naroda Parlamenta Federacije Bosne i Hercegovine sa 47 glasova za i dva uzdržana glasa usvojio Prijedlog zakona o izmjenama Zakona o naplati i djelimičnom otpisu dugovanja sportskim kolektivima.

Sjednica je završena u 15:53.

Transkript sjednice čini sastavni dio Zapisnika.

SEKRETAR

PREDSJEDAVAJUĆA

Izmir Hadžić

Lidija Bradara